

## अंजनी माँ थारो लाल कठे

अंजनी माँ थारो लाल कठे,  
वो भक्ता रो प्रतिपाल कठे,  
वो संकट मोचन नाम कठे,  
दुनिया में बढ़ ग्यो पाप घणो,  
दुनिया में बढ़ ग्यो पाप घणो,  
वो राम भगत हनुमान कठे,  
अंजनी माँ थारो लाल कठे,  
वो भक्ता रो प्रतिपाल कठे,  
वो संकट मोचन नाम कठे.....

धरती रो पाप मिटावण ने,  
अब पड़ी जरुरत थारी है,  
हो रयो है अत्याचार घणो,  
जालिम ने बाजी मारी है,  
जुल्म करे सरेआम फिरे,  
जुल्म करे सरेआम फिरे,  
इंसान ने हिम्मत हारी रे,  
कळयुग री काळी छाया में,  
बाबा अवतार जरुरी है,  
लंका में आग लगवाणियो,  
लंका में आग लगवाणियो,  
वो पवनपुत्र बलवान कठे,  
अंजनी माँ थारो लाल कठे,  
वो भक्ता रो प्रतिपाल कठे,  
वो संकट मोचन नाम कठे.....

आज काल रा टाबरिया,  
ना छोटा बड़ा री लाज करे,  
वो मान सम्मान तो चल्यो गयो,  
वो मान सम्मान तो चल्यो गयो,  
बेशर्म तो बेठ्या राज करे,  
अठे पाप का सिक्का चाली रया,  
पाप का सिक्का चाली रया,  
और सज्जन खाली हाथ मले,  
अठे झूठ तो पग पग पर चाले,  
और सच्चाई सरेआम मरे,  
वो सच्ची प्रीत निभावणिया,  
वो सच्ची प्रीत निभावणिया,  
वा सतजुग वाली रीत कठे,  
अंजनी माँ थारो लाल कठे,  
वो भक्ता रो प्रतिपाल कठे,  
वो संकट मोचन नाम कठे.....

पैसा नो है सब खेल यहाँ,  
स्वारथ की दुनिया दारी है,  
भाई भाई ने मर देवे,  
भाई भाई ने मर देवे,  
मतलब की रिश्तेदारी है,  
किस किस का दोष बताऊँ मैं,  
किस किस का दोष बताऊँ मैं,  
खुद बाढ़ खेत ने खारी है,  
माँ बाप ने समझे कौन अटे,  
और ममता ठोकर खारी है,  
वो काँधे तीर्थ करावणिया,  
वो काँधे तीर्थ करावणिया,  
वो शरवण जैसी संतान कठे,  
अंजनी माँ थारो लाल कठे,  
वो भक्ता रो प्रतिपाल कठे,  
वो संकट मोचन नाम कठे.....

अटे विष होठां पर बरस रह्यो,  
अटे जहर जुबां पर बरस रह्यो,  
और वाणी में मिठास नहीं,  
अहंकार में सारा मरया पड़या,  
और बिन मै जिंदगी रास नहीं,  
बेईमान ने सबकुछ मिल जावे,  
बेईमान ने सबकुछ मिल जावे,  
और साहूकार ने साथ नहीं,  
घर घर में मिल जाए गुरु अटे,  
पर हनुमान सा दास नहीं,  
'रोतु' है भजन बनावाणियो,  
और गावे है 'परकाश' अटे,  
अंजनी माँ थारो लाल कठे,  
वो भक्ता रो प्रतिपाल कठे,  
वो संकट मोचन नाम कठे.....

<https://bhajanganga.com/bhajan/lyrics/id/32402/title/anjani-maa-tharo-laal-kathe>

अपने Android मोबाइल पर [BhajanGanga](#) App डाउनलोड करें और भजनों का आनंद ले |